

# Wältongejang 2012

De Mayas, die janz alljemeen  
vür hondete van Johre en  
Zäntralamerika jewonnt,  
wat Mexikaner hü nauch dont,  
hant dõmõõls os ene dubiose  
Kalände van sisch hengeloße.  
2012 brisch dä Kalände  
am enonzwanzischde Dezämbe,  
zo Wenkteaafang, plöztlich aaf.  
Experte wore ięsch jet paff!  
On hant dann jrönklisch övvelaat,  
en Zik lang drövve nõõjedaat,  
bes neulisch se ęrußjefonge,  
dat höösch <sup>1</sup>, de Wält jeet Ängs Johr onge!  
Dann wüd, dõ jöęf et kee Verdonn,  
- schromms! - ose Jlobus ongejõnn.

Et fellt normalewies net lięt,  
sisch vürzeställe, wat passiert,  
wänn ose schöne Erdplaneet  
van hü op morje ongejeet.  
Dänn en dat Sonne-Mõnd-System  
dõ föhle me os dauch dõheem.  
Jetz frõõre sisch he Astronome:  
wie send die Mayas dõdrop komme?  
weil se dä Övvelääsch <sup>2</sup> van dänne  
als Stäęrekundije net känne.  
Se könne eefach net verstõnn,  
wie dat real soll vür sisch jõnn,  
wänn keene Steen, wat dat betriff,  
bejm Ongejang om angere blief.  
Se fenge och reen astronomisch  
su-n Ongejangsvürhersaach komisch.  
Fellt dann dr Mõnd met ene Paaf  
janz pamschtisch <sup>3</sup> op de Erd ęraaf?

<sup>1</sup> hieße <sup>2</sup> Überlegung <sup>3</sup> ungebremst

Flüsch och zejlisch dr Uranus  
us de Planeetebahn ęruß?  
On eiert och et Wältall net,  
wänn mä os Erd ene Tirvel schleet? <sup>1</sup>

Dauch *wie* de Wält zesaamefellt,  
hant Mayas os net metjedeelt.  
Se hant dat Schecksäl van de Erd  
behaup net nöhdere erklärt.

Als äschte Erdebürjer send  
mię Sonneongejäng jewännt,  
on dont die sujaa an jewesse  
schön Sommeęvende jeneeße.  
Dauch wie de Erd ens ongejeet,  
on me sisch dann verhalde deet,  
dat hamme he nauch net erläęf.  
De Erd hät hüükstens ens jebäęf <sup>2</sup>.

Me wesse net, wat vür sisch jeet,  
on send dröm schläęt drop vürbereet.  
Et jit dębej su joot wie nie  
en Övveläęvensstrategie.  
Me eß dann duut e Läęve lang;  
dänn Ongejang eß Ongejang!  
Zom Jlöck passiert su-n Katastroof  
em Menscheläęve net ęsu qff!

An weihnaatlische Fäßjeschänke  
eß dröm des Johr wahl net ze dänke.  
Et maat van Haasteręth bes Rüh  
dauch keene Weihnaats-Enkööf mi.  
Wer well nauch düręsch Jeschäfte loofe,  
fü düę Jeschänke enzekoofe?  
On wänn de Konde wennijer koofe,  
wid dat Jeschäff mä schläppend loofe.  
Dat heesch als Konsequänz konkreet:  
dr Enzelhandel jeet et schläęt.

---

<sup>1</sup> einen Überschlag macht (soll heißen: aus der Reihe tanzt)

<sup>2</sup> gebebt

Dauch hät dr Handel et verstange  
dä Ömsatzröckjang opzefange.  
Su hant met Ziedongsinserat  
Jeschäfte jetz bekank jemaat,  
dr Wenkteschlussverkoof fööng <sup>1</sup> at  
jet fröhje em Oktober statt.  
Fü Zosatzkondschaff aanzelocke,  
wid dä Termin jet vürjetrocke.

Die Astrolore on -lorinne  
die könne och jetz Dümmsche driene.  
Die kicke hü at äresch jequält  
betraufe en de Stäerewält.  
De Zokonęf os vürherzesaare,  
dat könne se jetruuß sisch spare.  
Wänn kosmische Jewalte toobe,  
dann bruch kee Mensch mi Horoskope.

De NASA hät en Florida,  
dat lik en Nordamerika,  
on zwoę nõ Kap Kanaveral,  
dõ send die Afschoßrampe all,  
ahl Astronaute-Veterane  
op ene Usfloodch ejjelaane.  
Se well dõfür dann janz spezzjälle  
Rakete ze Verföjung ställe,  
on hät ahl Kapsęle jespänd <sup>2</sup>,  
die joot nauch ze jebuche send.  
Wer well, dä bruch mä enzesteeje,  
fü Rischtung Meleşchstrooß afzefleeje,  
on kann em Wältall reese, bes  
nauch Proviant vürhande eß.  
Weil nämlisch et en däm Jebiet  
nauch ned-ens Meleşchprodukte jit,  
werde die Astronaute ävve  
koom längere dõ övveläęve.

---

<sup>1</sup> fände <sup>2</sup> Raumkapseln gespendet

Wat eß jedauch, wänn all dat stemmp  
on me die Fachlüü wörtlich nemmp?  
Et wör jō, wänn dä Kollaps kött,  
dauch wirklich usjesprauche blöd,  
kott vür dat profezejht Finale  
nauch alle Stüere <sup>1</sup> ze bezahle.  
Die Stüe, die des Johr fällisch eß,  
bezahl isch eefach net; dänn bes  
isch dō de zweide Mahnung kri <sup>2</sup>,  
jit et längß kee Finanzamp mi.

Dä eene jeet wahl en dr Jaade,  
für op dr Ongejang ze waade.  
On angere kicke zo vam Daach,  
wie wahl de Wält zesaamekraach.

Dänn angesch wie em Luffschotzkäller  
eß et dō qvve jō jet häller.  
Me söesch <sup>3</sup> bej su-n Jeläajeheet,  
dauch jäe, wie alles ongejeet.  
Dauch wat soll me em Zauh <sup>4</sup> sisch schnappe?  
Dänn jede Hankjreff moß jō klappe.  
De Zangbüesch, en reen Ongebotz,  
om Köpp ene Plastikhälēm als Schotz?  
Wer well, dä krit sisch nauch dr Püß <sup>5</sup>  
on säät zeleiß de Wält »Atschüß!«  
Net ohne sisch fü dat Finale  
nauch vürsichshalēve aanzeschnalle.

Dauch Halt! - Me sollt jetz de Bedänke  
van ennesche <sup>6</sup> mi Beachtung schänke.  
Dänn nöjjedengs send Schreffexperte  
dat ongescheedlich am bewerte,  
beschöldije sisch jääjesiedisch,  
dä Ongejang wör janet nüdisch,  
on taggele ernßhaff sisch wie nie.  
Historiker on Fachlüü, die

<sup>1</sup> Steuern <sup>2</sup> kriege <sup>3</sup> sähe <sup>4</sup> in der Eile <sup>5</sup> Bettsack <sup>6</sup> einigen (Leuten)

bes jästere joo Kolléeje wore,  
die lijje sisch jetz en de Hoore.  
Dänn statt mem ABC ze schriewe  
jebuchden Mayas Hieroglyphe,  
die, wämme sisch och nauch su schennt <sup>1</sup>,  
bluuß möhsam ze äntziffere send.  
Su ställt sisch also he die Fröçh:  
Hant die Experte van die Spröçh  
och wirklich jede Návvesatz  
jenu on rischtisch övvesatz?

Dat met die Stüë well isch däs wäje  
misch beiße nauch ens övveläaje.

---

<sup>1</sup> bemüht